



**Clara Et Praeclara Methodus Parandæ Eloquentiæ,
Secundùm Doctrinam & Præcepta Cypriani Soarii è
Societate Jesu, Ad Captum Et Praxim Faciliorem
Accommodata**

Worpitz, Georg

Coloniæ Agrippinæ, 1700

§. IV. Syllogismus immunitus.

[urn:nbn:de:hbz:466:1-68908](#)

majoribus cumulata ornamentis, illustrior
nostris & publicis affulgeat ab alto incom-
modis.

§. IV. *Syllogismus imminutus.*

Solet quandoque una pars in syllogismo prorsus omitti, *major* vel *minor*, quando per se nota est & manifesta, ideoque enthymema syllogismi loco conficitur & tractatur, ut patet in orationibus Ciceronis: sed de enthy- memate postea, hic vero sermo est de syllo- gismo, qui sic minuitur, ut licet propositio o- mittatur, ratio tamen ad illam probandum ponatur, illa interim sub intellectu, quo casu exercitium hoc à ratione majoris inchoari potest, & ipsa deinde roborari probationibus, eruditionibus &c. tum vero reliquæ partes Minor, & Conclusio, sive ordine connatura- li, sive artificiali, & perturbato, subsequantur. Exemplum talis syllogismi sit hoc. Quæstio an gratulari natam prolem oporteat Parenti illustri argumentum: quia conductit ad no- minis gloriam hæc stirpis propagatio. Syllo- gismus. Quæ ad nominis gloriæ conducunt, gratulari debemus; sed ergo. *Oratoriè sic. Ra- tio majoris.* Etsi magnæ opes & collata impe- randi potestas multum ad bonam beatamque vitam conferunt, summum tamen mortalis generis decus gloria nominis propagatio. *Rationis probatio,* Perstringeret maximè sa- pientum oculos, fulgor auri, nisi facile pul- veri misceretur; raperent universorum ani-

146 *De Tractatione seu deduci* &c.

mos imperia, nisi ad misera mortalitatis dannarentur servitia. Nemo non opibus, ne mo non potentia excellere vellat, nisi haec a prævio impetu raperent dominos ad ruinam aut subsequentem passu raptos obruerent. Sol sola atque unica humanis fatis insultat libertas: famæ, & naturæ fatiscéris lapsu depresso ad immortalitatem erigit, erectos laudi inservit, insertos custodit. *Amplificatio.* Quàm miserè vivimus, si diutiùs quàm vivimus, vivere non liceat! quàm deflendi obimus, si totis mul tumulamur! famæ verò hic felix genius, ejusdemque felicissimæ artes, nè mortales cum morte emoriantur, providisse, & inanimes inanes seipsâ alterâ veluti vitâ atq; mente animâsse. *Eruditio.* Hac de causa factum est, ut magnus ille rerum arbiter, & sapientissimus fortissimi Imperatoris, apud æternitatem, Orator, non ab exercitu cum imperio gubernato, nec ab opibus cumulatis Herois Homerici latudem quæreret, verùm à propagata carminibus ejus gloria panegyrim dicatus, augustâ voce, atque ad hæc tempora sonorâ inclamaret: ô te felicem, qui tales laudum tuarum præconem merueris. *Minor.* Hæc porro à fama profecta mortalium prosperitas, quàm ipsa diversè ad homines descendit, tam variè ad gloriæ penetralia homines deducit. Mars alios pari animo suscep-
tus, ac tractatus, quosdam Pallas ingenuè culta perennitate nominis donavit: nonnullis æternitas domi nata, atque cum fortunata eximiorum parentum stirpe edita. *Ratio Mi-*

noris

noris hæreditate nimirum generosa progenies parentum capessit virtutem, & dum vivit, parentes refert: pulsat nobile venas decus, neque oblivious paternorum meritorum paritur ignaviam. *Eruditio.* Scipionis edicto, aut te Scipionem nega, aut nomen virtutibus imple. *Conclusio.* Felices idcirco ejusmodi parentes, qui cum aliis vitam partiuntur, largiuntur sibi, atque illis quidem natialem ac perpetuam (si humanæ vitæ metiamur metas) tribuunt, ipsi perenni successione occupata perennitatem obtenturi. *Affectus.* Hac te felicitate beatum hodie superi volunt, nos gaudemus: agnosce fortunam, apparatu magnifico glriosos intrantem penates; agnosce cælorum munus, ejusque aspectu diu incolumis gaude. Utinam quo nunc animo spes, è flore lætitiae decerptas offerimus, eodem fructus proiectioris ætatis carparamus & offeramus.

§. V. Enthymema oratorie de ductum.

Hujus usus est frequentissimus, eo quod syllogismi pars aliqua, persæpe nec probatione, nec deductione egeat; imò quia per se nota est, apponi non potest sinè vitio superfluitatis, unde syllogismi loco enthymema tractatur. Exemplum sit hoc: dum alicui felicem natalem appreciaris, sic argumentum statue: *Antec.* ex oriente natali, nova exoritur lætitia, ergo de eo lætandum & gratulandum.